

宗旨徒恣喜新厭故之情尋滋過中失正之病該祭酒以耆德碩望鎮雅黜浮與其鄉之人
 士講明正學力挽澆風以為知新必本於溫故培根乃可以達枝特於省城設立師範館研
 究教育原理一以倫理心理學為要旨復創辦簡易小學堂十餘所以為教員實練之地用
 示童蒙養正之方一以講經修身為主課師徒斤斤皆有法度湖湘學風賴其維持之力為
 多前年升任湖廣總督臣張之洞收回粵漢鐵路謂該祭酒品學兼優資望老成主持正論
 不循流俗於爭索路權一切深資贊助嗣復與臣會同咨由學部奏派該祭酒充湖南學務
 公所議長稱其學術純正博通古今均在 聖明洞鑒之中至其生平所致力學問之見
 端則有著作二十餘種大都皆務實之學有用之書如考求掌故則有東華錄二百卷東華
 續錄四百三十卷校刊 欽定天祿琳瑯書目前後編三十卷其釋經訂史則有尚書
 孔傳參正三十六卷漢書補注一百卷其參訂諸子古傳記則有荀子集解二十卷校正鹽
 鐵論十卷世說八卷水經注四十卷唐魏鄭公諫錄續錄文貞年譜故事拾遺共十一卷那
 齋讀書志附志共三十二卷日本源流考二十二卷其撰集文藝則有續古文辭類纂三十
 四卷駢文類纂四十四卷旁及鄉邦文獻之書共百餘卷而現在編輯將成之五洲地理圖

第十一册第十

志為書尙復不少其研精思蓋窮二十餘年之力於此洵可以信今而傳後茲謹將所著
 尚書孔傳參正漢書補注荀子集解日本源流考四種裝潢成帙恭呈 乙覽在該祭酒
 名籍通顯原無待著述之是徵而志量深宏於此見淵源之有自臣查各省凡舉薦者碩進
 呈課述其本係四品大員歷蒙 聖恩優予褒異 賞給內閣學士銜暨三品卿銜者
 不乏其人誠足彰 盛世重道右文之治為薄海砥才勵學者風方今學說紛歧儒流腐
 陋安得此耆名高義主鎮蠶風亦安得此大雅宏材進蒸文化今該祭酒王先謙以名世之
 師蔚經世之作本斯文之緒衍斯道之傳功用甚宏而關繫甚大合無仰懇 天恩俯賜
 特加優獎庶 眷存 日下侍從之班不祇傳藝林之盛事 榮被山中顧問
 之選俾咸欽禮典於儒家出自 逾格鴻慈實於政教學術大有裨益謹會同湖廣總督
 臣陳夔龍恭摺具 奏伏乞 皇太后 皇上聖鑒訓示謹 奏
 東撫袁術聖公孔會奏稽查登萊青膠學務摺
 奏為 臣等續查山東登萊青三府及膠州直隸州四屬學務事訖恭摺會陳仰祈 聖鑒
 事竊 臣令貽於上年九月出省稽查濟南泰安兗州濟甯州各屬所辦學堂業將大概情形

及查學宗旨於本年二月會同前署撫臣吳廷斌合詞 奏報奉 硃批學部知道欽此
欽遵在案 臣令貽旋於二月十二日由省起程先赴青州府城調查各項學堂以益都縣所
設高等小學教授管理最為合法其蠶學一區尤有實效可觀萊屬則風氣稍開經官紳極
力提倡兼用勸導強迫之法各級學堂始漸完備而濰縣於官立學堂外民立學堂亦占多
數足見學風之盛登州各校以蓬萊縣小學及師範傳習所規制為良煙臺近傍海濱開通
最早士紳頗能盡心學務民辦各學內有水產學堂一區開辦未久立法尚善膠州則各級
皆備均能認真辦理其餘所屬各縣 臣令貽先於出省時會同前署撫臣吳廷斌遴委諳悉
學務人員分投稽查先後稟覆前來 臣令貽於四月十一日將三府一直隸州學務查訖回
省與 臣樹勛晤商後並據委員稟報情形及所填統計表會同詳細覆核其各處設學層級
均係按照地方程度酌量辦理尚覺條理不紊綜查山東登萊青三府舊盛科名文學之風
獨冠他郡且地饒海線交換智識見聞較廣故生徒文國程度平均考核優者居多而各項
科學似亦領悟較易 臣令貽每到一校必集教員生徒示以效忠守正之道教育強國之因
使之端其趨向壹志學業更取教員所輯講義及生徒所習文藝細加觀覽其有授受不合

第十一期第十一號

者隨時示以改良之法至經費出入關係學界漲縮故於學堂之用項分銷產業有無必逐
款諮詢總期清理浮濫歸諸切實以仰副 朝廷興學育材之至意現在各學校均將散放
暑假一俟秋初開學即擬馳赴曹沂各府稽查再當續行 奏報所有 臣等稽查登萊青三
府及膠州直隸州四屬學務緣由謹合詞恭摺具陳伏乞 皇太后 皇上聖鑒訓
示再此摺係 臣令貽主稿合併陳明謹 奏

侍御李奏注重經學請立存古學堂摺

聖鑒事臣於六

奏為經學亟宜注重援案請立存古學堂以補科學之不足恭摺仰祈

月初七日泥首 宮門仰蒙 召見 天語諄諄以學堂經學為問誠致治之大原亦

保邦之要務也跪聆之下欽佩莫名謹將一得之愚為我 皇太后 皇上翻縷陳

之竊以列強環峙智巧日新彼此相形自應取彼之長補我之短然彼之所長器數鑿能治
天下之所用非用以治天下者也治天下者君臣之義父子之倫捨經學其奚以為世尚新
奇輒以儒學相詬病抑思修齊治平備載方策自秦漢以迄元明循之則治悖之則亂者得
失之林班班可考即近世迭遭變故卒能化險為夷人心固結而真解者良由 祖功